

Obraćanje visokog predstavnika Valentina Inzka na otvaranju sajma u Gradačcu

**Više investicija za bosanskohercegovačke radnike,
poljoprivrednike i poduzetnike**

Dame i gospodo,

Sajam u Gradačcu jedan je od najdinamičnijih i najvažnijih primjera sposobnosti Bosne i Hercegovine da prosperira i ostvaruje ekonomski rast.

Sajam šljive između ostalog pokazuje da je ova zemlja bez premca kada su u pitanju prirodni resursi. Poljoprivredni sektor u Bosni i Hercegovini ima ogroman dugoročni ekonomski potencijal. Taj potencijal još uvijek nije u potpunosti realiziran zbog toga što nadležne vlasti sporo rade na uspostavljanju sistema certificiranja poljoprivrednih proizvoda, ali je u ovoj oblasti ipak postignut napredak i mi se nadamo da se u skoroj budućnosti taj proces može odvijati još i brže.

Činjenica je da visokokvalitetno voće i voćni proizvodi iz Bosne i Hercegovine mogu pronaći profitabilno mjesto na evropskom tržištu i na drugim tržištima širom svijeta. Radnici i upravitelji zadruga i farmi u cijeloj Bosni i Hercegovini zavrnuili su rukave kako bi postigli najviše standarde, a na sajmu u Gradačcu vidimo s koliko uspjeha su na tržište plasirali odlične proizvode.

U tom smislu, s posebnim zadovoljstvom sam primio informaciju da njemačka firma za proizvodnju mliječnih proizvoda „Zott“ otvara novi proizvodni pogon u Gradačcu, kao dio ukupne investicije od 50 miliona KM.

Ulagači iz „Zotta“ su donijeli praktičnu odluku da značajna

financijska sredstva ulože u Bosnu i Hercegovinu, u sektor koji je od strateškog značaja, koji ima visok stepen produktivnosti i zapošljava veliki broj radnika. To je ulaganje u radna mjesta u BiH. To je ulaganje u prosperitet BiH. Potrebno nam je više takvih investicija i potrebno nam je da se političke stranke, posebno one na vlasti, više fokusiraju na praktičnu politiku koja će bosanskohercegovačkim poljoprivrednicima, radnicima i poduzetnicima olakšati poslovanje.

Hvala.